





飲水詞目



江南好 五調

憶王孫

遐方怨

如夢令 三調

天仙子

江城子

相見歡

酒泉子

生查子 五調

浣溪紗 二十三調

採桑子 七調

菩薩蠻 十六調

減字木蘭花 四調

卜算子

飲水詞目

謁金門

好事近

一落索 二調

清平樂 三調

阮郎歸

落花時

眼兒媚 二調

攤破浣溪紗 五調

海棠春

河瀆神 二調

太常引 二調

荷葉杯 二調

南歌子 二調

秋千索 三調

雨中花

浪淘沙 六調

河傳

鷓鴣天 二調

虞美人

南鄉子 五調

臨江仙 四調

唐多令 二調

鳳皇臺上憶吹簫

念奴嬌

齊天樂

賀新郎

青山溼遍

飲水詞

長白成德容若著

江南好

江南好城闕尚嵯峨故物陵前惟石馬遺蹤陌上
有銅駝玉樹夜深歌

又

江南好懷古意誰傳燕子磯頭紅蓼月烏衣巷口
綠楊烟風景憶當年

飲水詞

又
江南好虎早晚秋天山水總歸詩格秀笙簫恰稱
語音圓人在木蘭船

又

江南好佳麗數維揚自是瓊花偏得月那能金粉
不兼香誰與話清涼

又

江南好一片妙高雲硯北峰巒米外史屏間樓閣

李將軍金碧龜斜曛

憶王孫

西風一夜翦芭蕉滿眼芳菲總寂寥強把心情付
濁醪讀離騷洗盡秋江日夜潮

遐方怨

歌角枕掩紅窗夢到江南伊家博山沈水香浣裙
歸晚坐思量輕烟籠淺黛月茫茫

如夢令

飲水詞

正是轆轤金井滿砌落花紅冷驀地一相逢心事
眼波難定誰省誰省從此簾紋燈影

又

黃葉青苔歸路屨粉衣香何處消息竟沈沈今夜
相思幾許秋雨秋雨一半因風吹去

又

纖影黃昏庭院語密翻教醉淺知否那人心舊恨
新歡相半誰見誰見珊枕淚痕紅泣

天仙子

好在輕綃紅淚積漏痕斜宵菱絲碧古釵封寄玉
關秋水咫尺人南北不信鴛鴦頭不白

江城子

溼雲全壓數峯低影淒迷望中疑非霧非烟神女
欲來時若問生涯原是夢除夢裏沒人知

相見歡

微雲一抹遙峯冷落溶溶恰與個人清曉畫眉同

紅蠟淚青綾被水沈濃卻向黃茆野店聽西風

酒泉子

謝卻荼蘼一片月明如水篆香消猶未睡早鴉啼
嫩寒無柰羅衣薄休傍闌干角最愁人燈欲落
鴈還飛

生查子

東風不解愁偷展湘裙衩獨夜背紗籠影著纖腰
畫
爇盡水沈烟露滴鴛鴦瓦花骨冷宜香小立

櫻桃下

又

鞭影落春隄綠錦障泥卷脈脈逗菱絲嫩水吳姬
眼
鬢骨帶香歸誰整櫻桃宴蠟淚惱東風舊壘
眠新燕

又

散帙坐凝塵吹氣幽蘭並茶名龍鳳團香字鴛鴦
餅
玉局類彈碁顛倒雙棲影花月不會閒莫放

相思醒

又

短燄剔殘釭夜久邊聲寂倦舞卻聞雞暗覺青綾
溼 天水接冥濛一角西南白欲渡浣花溪遠夢
輕無力

又

惆悵彩雲飛碧落知何許不見合歡花空倚相思
樹 總是別時情那得分明語拌向最長宵數盡

厭厭雨

浣溪紗

消息誰傳到拒霜兩行斜鴈碧天長晚秋風景倍
淒涼 銀蒜押簾人寂寂玉釵敲竹信茫茫黃花
開也近重陽

又

雨歇梧桐淚乍收遣懷翻自憶從頭摘花銷恨舊
風流 簾影碧桃人已去屨痕蒼蘚徑空留兩眉

何處月如鉤

又

欲問紅梅瘦幾分祇看愁損翠羅裙
麝篝衾冷惜餘熏
可耐暮寒長倚竹便教春好不開門
枇杷花底較書人

又

淚浥紅箋第幾行喚人嬌鳥怕開窗
那能閒過好時光
屏障厭看金碧畫羅衣不柰水沈香
遍翻

眉譜只尋常

又

睡起惺忪強自支綠傾蟬鬢下簾時
夜來愁損小腰肢
遠信不歸空佇望幽期細數卻參差
更兼何事耐尋思

又

五月江南麥已稀黃梅時節雨霏微
閒看燕子教雛飛
一水濃陰如罨畫數峯無恙又晴暉
湔裙

誰獨上漁磯

又

誰道飄零不可憐
舊游時節好花天
斷腸人去自今年
一片暈紅纔著雨
幾絲柔綠乍和烟
倩魂消盡夕陽前

又

微暈嬌花溼欲流
簾紋燈影一生愁
夢回疑在遠山樓
殘月暗窺金屈戌
軟風徐蕩玉簾鉤
待聽

鄰女喚梳頭

又

容易濃香近畫屏
繁枝影著半窗橫
風波狹路倍憐卿
未接語言猶悵望
纔通商略已瞢騰
只嫌今夜月偏明

又

五字詩中乍目成
儘教殘福折書生
手按裙帶那時情
別後心期和夢杳
年來憔悴與愁并
夕陽

依舊小窗明

又

記綰長條欲別難
盈盈自此隔銀灣
便無風雪也
摧殘
青雀幾時裁
錦字玉蟲連
夜翦春幡
不禁
辛苦況相關

又

誰念西風獨自涼
蕭蕭黃葉閉疎窗
沈思往事立
殘陽
被酒莫驚春睡重
賭書消得潑茶香
當時

祇道是尋常

又

十八年來墮世間
吹花嚼蘂弄冰絃
多情情寄阿
誰邊
紫玉釵斜燈影背
紅綿粉冷枕函偏
相看
好處卻無言

又

蓮漏三更燭半條
杏花微雨溼紅綃
那將紅豆記
無聊
春色已看濃似酒
歸期安得信如潮
離魂

入夜倩誰招

又

十二紅簾窄地深
纔移剗鞞又沈吟
晚晴天氣惜輕陰
珠玑佩囊三合字
寶釵攏髻兩分心
定緣何事溼蘭襟

又

收取閒心冷處濃
舞裙猶憶柘枝紅
誰家刻燭待春風
竹葉樽空翻綵燕
蓮花燈炮顫金蟲
風流

端合倚天公

又

腸斷班騅去未還
繡屏深鎖鳳簫閒
一春幽夢有無間
逗雨踈花濃淡改
關心芳字淺深難
不成風月轉摧殘

又

拋卻無端恨轉長
慈雲稽首返生香
妙蓮花說試推詳
但是有情皆滿願
更從何處著思量
篆烟

殘燭並回腸

又

旋拂輕容寫洛神須知淺笑是深顰十分天與可
憐春 掩抑薄寒施軟障抱持纖影藉芳茵未能
無意下香塵

又

楊柳千條送馬蹄北來征鴈舊南飛客中誰與換
征衣 終古閒情歸落照一春幽夢逐游絲信回

剛道別多時

又

萬里陰山萬里沙誰將綠鬢鬪霜華年來強半在
天涯 魂夢不離金屈戌畫圖親展玉鴉又生憐
瘦減一分花

又

敗葉填溪水已冰夕陽猶照短長亭何年廢寺失
題名 倚馬客臨碑上字鬪雞人撥佛前燈淨消

塵土禮金經

又

姜女祠

海色殘陽映斷霓寒濤日夜女郎祠翠鈿塵網上
蛛絲 澄海樓高空極目望夫石在且留題六王
如夢祖龍非

採桑子

誰翻樂府淒涼曲風也蕭蕭雨也蕭蕭瘦盡燈花

又一宵 不知何事縈懷抱醒也無聊睡也無聊
夢也何曾到謝橋

又

嚴寒擁絮頻驚起撲面霜空斜漢朦朧冷逼氈帷
火不紅 香篝翠被渾閒事回首西風何處疎鐘
一穗燈花似夢中

又

冷香縈遍紅橋夢夢覺城笳月上桃花雨歇春寒

燕子家 笙篴別後誰能鼓腸斷天涯暗損韶華
一縷茶烟透碧紗

又

桃花羞作無情死感激東風吹落嬌紅飛入閒窗
伴懊儂 誰憐辛苦東陽瘦也為春慵不及芙蓉
一片幽情冷處濃

又

白衣裳凭朱欄立涼月趁西點鬢霜微歲晏知君

歸不歸 殘更目斷傳書鴈尺素還稀一味相思
準擬相看似舊時

又

謝家庭院殘更立燕宿雕梁月度銀牆不辨花叢
那辨香 此情已自成追憶零落鴛鴦兩歇微涼
十一年前夢一場

又

而今纔道當時錯心緒淒迷紅淚偷垂滿眼春風

百事非 情知此後來無計強說歡期一別如斯
落盡梨花月又西

菩薩蠻

窗前桃蕊嬌如倦東風淚洗胭脂面人在小紅樓
離情唱石州 夜來雙燕宿燈背屏腰綠香燼雨
闌珊薄衾寒不寒

又

問君何事輕離別一年能幾團圓月楊柳乍如絲

故園春盡時 春歸歸不得兩槩松花隔舊事逐
寒潮啼鶻恨未消

又

新寒中酒敲窗雨殘香細裊秋情緒纔道莫傷神
青衫溼一痕 無聊成獨臥彈指韶光過記得別
伊時桃花柳萬絲

又

催花未歇花奴鼓酒醒已見殘紅舞不忍覆餘觴

臨風淚數行 粉香看又別空賸當時月月也異
當時淒清照鬢絲

又

惜春春去驚新燠粉融輕汗紅絲撲妝罷只思眠
江南四月天 綠陰簾半揭此景清幽絕行度竹
林風單衫杏子紅

又

春雲吹散湘簾雨絮粘蝴蝶飛還佳人在玉樓中

樓高四面風 柳烟絲一把暝色籠鴛瓦休近小

闌干夕陽無限山

又

曉寒瘦著西南月丁丁漏箭餘香咽春已十分宜
東風無是非 蜀魂羞顧影玉照斜紅冷誰唱後
庭花新年憶舊家

又

為春憔悴留春住那禁半霎催歸雨深巷賣櫻桃

雨餘紅更嬌 黃昏清淚閣 忍便花飄泊 消得一
聲鶯東風三月情

又

晶簾一片傷心白 雲鬟香霧成 遙隔無語問 添衣
桐陰月已西 西風鳴絡緯 不許愁人睡 只是去
年秋如何淚欲流

又

烏絲畫作回紋紙 香煤暗蝕 藏頭字 筆鴈十三雙

輸他作一行 相看仍似客 但道休相憶 索性不
還家 落殘紅杏花

又

隔花纔歇廉纖雨 一聲彈指 渾無語 梁燕自雙歸
長條脈脈垂 小屏山色遠 妝薄鉛華淺 獨自立
瑤階透寒金縷鞦

又

闌風伏雨催寒食 櫻桃一夜花狼籍 剛與病相宜

瑣窗熏繡衣

畫眉煩女伴
央及流鶯喚半晌
試

開匳嬌多直自嫌

集中屢用央及二字
此曲語非詞語也

又

宿灤河

玉繩斜轉疑清曉
淒淒月白漁陽道
星影漾寒沙
微茫織浪花
金笳鳴故壘
喚起人難睡
無數紫鴛鴦
共嫌今夜涼

又

飄蓬只逐驚鷗轉
行人過盡烟光遠
立馬認河流
茂陵風雨秋
寂寥行殿鎖
梵唄琉璃火
塞鴈與
宮鴉山深日易斜

又

黃雲紫塞三千里
女牆西畔啼鳥起
落日萬山寒
蕭蕭獵馬還
笳聲聽不得
入夜空城黑
秋夢不
歸家殘燈落碎花

又

飲水詞

寄梁汾茗中

知君此際情蕭索黃蘆苦竹孤舟泊烟白酒旗青
水邨魚市晴 柁樓今夕夢脈脈春寒送直過畫
眉橋錢塘江上潮

減字木蘭花

燭花搖影冷透疎衾剛欲醒待不思量不許孤眠
不斷腸 茫茫碧落天上人間情一諾銀漢難通
穩耐風波願始從

又

相逢不語一朵芙蓉秋帶雨小暈紅潮斜溜鬟心
隻鳳翹 待將低喚直恐深情人得見欲訴幽懷
轉過回欄叩玉釵

又

從教鐵石每見花開成惜惜淚點難消滴損蒼烟
玉一條 憐伊太冷添個紙窗疎竹影記取相思
環珮歸來月上時

又

斷魂無據萬水千山何處去沒個音書盡日東風
上綠除故園春好寄語落花須自掃莫更傷春
同是慙慙多病人

卜算子

塞草晚纔青日落簫笳動慙慙悽悽入夜分催度
星前夢小語綠楊烟怯踏銀河凍行盡關山到
白狼相見惟珍重

謁金門

風絲裊水浸碧天清曉一鏡溼雲青未了雨晴春
草草夢裏輕螺誰掃簾外落花紅小獨睡起來
情悄悄寄愁何處好

好事近

簾外五更風消受曉寒時節剛剩秋衾一半擁透
簾殘月爭教清淚不成冰好處便輕別擬把傷
離情緒待曉寒重說

一絡索

過盡遙山如畫短衣匹馬蕭蕭落木不勝秋莫回
首斜陽下別是柔腸縈挂待歸纔罷卻愁擁髻
向燈前說不盡離人話

又

野火拂雲微綠西風夜哭蒼茫鴈翅列秋空憶寫
向屏山曲山海幾經翻覆女牆斜矗看來費盡
祖龍心畢竟為誰家築

清平樂

將愁不去秋色行難住六曲屏山深院宇日日風
風雨雨雨晴籬菊初香人言此日重陽回首涼
雲暮葉黃昏無限思量

又

風鬟雨鬢偏是來無準倦倚玉欄看月暈容易語
低香近軟風吹過窗紗心期便隔天涯從此傷
春傷別黃昏只對梨花

又

憶梁汾

纔聽夜雨便覺秋如許繞砌蛩螿人不語有夢轉
愁無據亂山千疊橫江憶君游倦何方知否小
窗紅燭照人此夜淒涼

阮郎歸

斜風細雨正霏霏畫簾拖地垂屏山幾曲篆香微
閒庭柳絮飛新綠密亂紅稀乳鶯殘日啼餘寒
欲透縷金衣落花郎未歸

落花時

夕陽誰喚下樓梯一握香蕙回頭忍笑階前立總
無語也依依箋書直恁無憑據休說相思勸伊
好向紅窗醉須莫及落花時

眼兒媚

春寒誰與掩重扉清露溼銖衣玉簫吹夢金釵劃
影悔不同攜刻殘紅燭曾相待舊事總依稀料

應遺恨月中教去花底催歸

又

詠紅姑娘

西風騷屑弄輕寒翠袖倚闌干霞綃裏處櫻脣微
綻靺鞨紅殷 故宮事往憑誰問無恙是朱顏玉
墀爭採玉釵爭插至正年間

攤破浣溪紗

林下荒苔道韞家生憐玉骨委塵沙愁向風前無

處說數歸鴉 半世浮萍隨逝水一宵冷雨葬名

花魂似柳綿吹欲碎繞天涯

又

小立紅橋柳半垂越羅裙颺縷金衣採得石榴雙
葉子欲遺誰 便是有情當落日祇應無伴送斜
暉寄語東風休著力不禁吹

又

昨夜濃香分外宜天將妍煖護雙棲樺燭影微紅

飲水詞

玉軟燕釵垂 幾為愁多翻自笑
那逢歡極卻含啼
央及蓮花清漏滴
莫相催

又

風絮飄殘已化萍
泥蓮剛倩藕絲縈
珍重別拈香一瓣
記前生
人道情多情轉薄
而今真個悔多情
又到斷腸回首處
淚偷零

又

欲話心情夢已闌
鏡中依約見春山
方悔從前真

草草等閒看 環珮祇應歸
月下鈿釵何意寄人
間多少滴殘紅蠟淚
幾時乾

海棠春

落紅片片渾如霧
更那向桃源尋路
香徑晚風寒
月在花飛處
薔薇影暗空凝佇
任碧颺輕衫縈
住
驚起早棲鴉
飛過秋千去

河瀆神

涼月轉雕闌
蕭蕭木葉聲
乾銀燈飄落
瑣窗閒枕

飲水詞

二十二

屏幾疊秋山 朔風吹透青縑被藥爐火煖初沸
清漏沈沈無寐為伊拌得憔悴

又

風緊鴈行高無邊落木蕭蕭楚天魂夢與香消青
山暮暮朝朝 斷續涼雲來一縷飄墮幾絲靈雨
今夜冷紅浦漱鴛鴦樓向何處

太常引

西風乍起峭寒生驚鴈避移營千里暮雲平休回

首長亭短亭

無邊山色無窮往事一例冷清清

試倩玉簫聲喚千古英雄夢醒

又

晚來風起撼花鈴人在碧山亭愁裏不堪聽那更
雜泉聲雨聲 無憑蹤跡無聊心緒誰說與多情
夢也不分明又何必催教夢醒

荷葉杯

簾卷落花如雪烟月誰在小紅亭玉釵敲竹乍聞

飲水詞

二十三

聲風影略分明 化作彩雲飛去何處不隔枕函
邊一聲將息曉寒天腸斷又今年

又

知己一人誰是已矣贏得誤他生有情終古似無
情別語悔分明 莫道芳時易度朝暮珍重好花
天為伊指點再來緣疎雨洗遺鈿

南歌子

翠袖凝寒薄簾衣入夜空病容扶起月明中惹得

一絲殘篆舊熏籠 暗覺歡期過遙知別恨同疎

花已是不禁風那更夜深清露溼愁紅

又

暖護櫻桃蕊寒翻蛺蝶翎東風吹綠漸冥冥不信
一生憔悴伴啼鶯 素影飄殘月香絲拂綺櫺百
花迢遞玉釵聲索向綠窗尋夢寄餘生

秋千索

壚邊喚酒雙鬟亞春已到賣花簾下一道香塵碎

綠蘋看白袷親調馬 烟絲宛宛愁縈挂剩幾筆
晚晴圖畫半枕芙蓉壓浪眠教費盡鶯兒話

又

藥闌攜手消魂侶爭不記看承人處除向東風訴
此情柰竟日春無語 悠揚撲盡風前絮又百五
韶光難駐滿地梨花似去年卻多了廉纖雨

又

游絲斷續東風弱無一語半垂簾幙茜袖誰招曲

檻邊弄一縷秋千索 惜花人共殘春薄春欲盡
纖腰如削新月纔堪照獨愁卻又照梨花落

雨中花

送藝初歸崑山

天外孤帆雲外樹看又是春隨人去水驛燈昏關
城月落不算淒涼處 把酒留君君不住打疊起
傷心無數中坐波濤眼前冷暖多少人難語

浪淘沙

紫玉撥寒灰心字全非疎簾猶是隔年垂半卷夕
陽紅雨入燕子來時 回首碧雲西多少心期短
長亭外短長隄百尺游絲千里夢無限淒迷

又

野宿近荒城砧杵無聲月低霜重莫閒行過盡征
鴻書未寄夢又難憑 身世等浮萍病為愁成寒
宵一片枕前冰料得綺窗孤睡覺一倍關情

又

紅影溼幽窗瘦盡春光雨餘花外卻斜陽誰見薄
衫低髻子抱膝思量 莫道不淒涼早近持觴暗
思何事斷人腸曾是向他春夢裏瞥遇回廊

又

眉譜待全刪別畫秋山朝雲漸入有無間莫笑生
涯渾似夢好夢原難 紅味啄花殘獨自憑闌月
斜風起袷衣單消受春風都一例若個偏寒

又

清鏡上朝雲宿篆猶薰一春雙袂盡啼痕那更夜
來珊枕側又夢歸人 花底病中身嬾約湔裙待
尋閒事度佳辰繡榻重開添幾線舊譜翻新

又

雙燕又飛還好景闌珊東風那惜小眉彎芳草綠
波吹不盡只隔遙山 花雨憶前番粉淚偷彈倚
樓誰與話春閒數到今朝三月二夢見猶難

河傳

春淺紅怨掩雙環微雨花間晝閒無言暗將紅淚
彈闌珊香消輕夢還 斜倚畫屏思往事皆不是
空作相思字記當時垂柳絲花枝滿庭蝴蝶兒

鷓鴣天

別緒如絲睡不成那堪孤枕夢邊城因聽紫塞三
更雨卻憶紅樓半夜燈 書鄭重恨分明天將愁
味釀多情起來呵手封題處偏到鴛鴦兩字冰

又

飲水詞

鴈貼寒雲次第飛向南猶自怨歸遲誰能瘦馬關
山路又到西風撲鬢時 人杳杳思依依更無芳
樹有烏啼憑將埽黛窗前月持向今宵照別離

虞美人

曲闌深處重相見勻淚佯人顫淒涼別後兩應同
最是不勝清怨月明中 半生已分孤眠過山枕
檀痕沈憶來何事最消魂第一折枝花樣畫羅裙

南鄉子

飛絮晚悠揚斜日波紋映畫梁刺繡女兒樓上立
柔腸愛看晴絲百尺長 風定卻聞香吹落殘紅
在繡牀休墮玉釵驚比翼雙雙共唼蘋花滿綠塘

又

烟煖雨初收落盡繁花小院幽摘得一雙紅豆子
低頭說著分攜淚暗流 人去似春休卮酒曾將
酌石尤別自有人桃葉渡扁舟一種烟波各自愁

又

飲水詞

何處淅吳鉤一片荒城枕碧流曾是當年龍戰地
颼颼塞草霜風滿地秋 霸業等閒休躍馬橫戈
總白頭莫把韶華輕換了封侯多少英雄只廢邱

又

淚咽卻無聲祇向從前悔薄情憑仗丹青重省識
盈盈一片傷心畫不成 別語忒分明午夜鷓鴣
夢早醒卿自早醒儂自夢更更泣盡風檐夜雨鈴

又

擣衣

鴛瓦已新霜欲寄寒衣轉自傷見說征夫容易瘦
端相夢裏回時子細量 支枕怯空房且拭清砧
就月光已是深秋兼獨夜淒涼月到西南更斷腸

臨江仙

點滴芭蕉心欲碎聲聲催憶當初欲眠還展舊時
書鴛鴦小字猶記手生疎 倦眼乍低緜帙亂重
看一半模糊幽窗冷雨一燈孤料應情盡還道有

情無

又

永平道中

獨客單衾誰念我曉來涼雨颼颼絨書欲寄又還
休個儂憔悴禁得更添愁 曾記年年三月病而
今病向深秋盧龍風景白人頭藥爐烟裏支枕聽
河流

又

長記碧紗窗外語秋風吹送歸鴉片帆從此寄天
涯一燈新睡覺思夢月初斜 便是欲歸歸未得
不如燕子還家春雲春水帶輕霞畫船人似月細
雨落楊花

又

塞上得家報云秋海棠開矣

六曲闌干三夜雨倩誰護取嬌慵可憐寂寞粉牆
東已分羣奴綠猶裹淚綃紅 曾記鬢邊斜落下

半牀涼月惺忪舊歡如在夢魂中自然腸欲斷何
必更秋風

唐多令

金液鎮心驚烟絲似不勝沁鮫綃湘竹無聲不為
香桃憐瘦骨怕容易減紅情 將息報飛瓊蠻牋
署小名鑒淒涼片月三星待寄芙蓉心上露且道
是解朝醒

又

夜雨

絲雨織紅茵苔階壓繡紋是年年腸斷黃昏到眼
芳菲都惹恨那更說塞垣春 蕭颯不堪聞殘妝
擁夜分為梨花深掩重門夢向金微山下去纔識
路又移軍

鳳皇臺上憶吹簫

錦瑟何年香屏此夕東風吹送相思記巡檐笑罷
共撚梅枝還向燈花影裏催教看燕蠟雞絲如今

但一偏消夜冷煖誰知 當時歡娛見慣道歲歲
瓊筵玉漏如斯悵難尋舊約枉費新詞次第朱幡
翦綵冠兒側鬪轉蛾兒重驗取盧郎青鬢未覺春
遲

念奴嬌

片紅飛減甚東風不語只催飄泊石上臙脂花上
露誰與畫眉商略碧甃瓶沈紫錢釵掩雀踏金鈴
索韶華如夢為尋好夢耽閣 又是金粉空梁定

巢燕子一口香泥落欲寫雲箋憑寄與多少心情
難託梅豆圓時柳絲飄處失記當初約斜陽冉冉
斷魂分付殘角

齊天樂

洗妝臺

六宮佳麗誰曾見層臺尚臨芳渚露腳斜飛虹腰
欲斷荷葉未收殘雨添妝甚處試問取雕籠雪衣
分付一鏡空濛鴛鴦拂破白蘋去 相傳內家結

束有靶裝孤穩鞞縫女古冷豔全消蒼苔玉匣翻
出十眉遺譜朝朝暮暮看臙粉亭西幾堆塵土只
有花鈴綰風深夜語

賀新郎

此恨何時已滴空階寒更雨歇葬花天氣三載悠
悠魂夢杳是夢久應醒矣料也覺人間無味不及
夜臺塵土隔冷清清一片埋愁地釵鈿約竟拋棄
重泉若有雙魚寄好知他年來苦樂與誰相倚

我自終宵成轉側忍聽湘絃重理待結個他生知
已還怕兩人俱薄命再緣慳剩月零風裏清淚盡
紙灰起

青山溼遍

青山溼遍憑伊慰我忍便相忘半月前頭扶病翦
刀聲猶在銀釭憶生來小膽怯空房到而今獨伴
梨花影冷冥冥儘意淒涼願指魂兮識路教尋夢
也回廊 咫尺玉鉤斜路一般消受蔓草殘陽判

把長眠喚醒和清淚攪入椒漿怕幽泉還為我神
傷道書生薄命宜將息再休耽怨粉愁香待得重
圓密誓難禁寸裂柔腸

曩在京師與友人論詞或言納蘭容若南唐李重
光後身也余謂重光天籟也恐非人力所及然填
詞家自南宋以來專工慢詞不復措意令曲其作
令曲仍與慢詞音節無異蓋花間遺響久成廣陵
散矣容若長調多不協律小令則格高韻遠極纏
綿婉約之致能使殘唐墜緒絕而復續第其品格
殆叔原方回之亞乎原集刻板久失余購諸廠肆
凡詩二卷詞三卷藏篋中三十餘年張詩舲方伯

見而好之為重刊以廣其傳余惟容若詩不如詞
慢不如令因復精擇百餘闕乞陳桂舫孝廉寫而
鈔諸木其音律舛誤辭近淺率者概弗登庶飲水
一編無瑕可摘且俾後之學者不惑於歧趨寄正
詩舫或當印可道光丙午初冬金梁外史識



